

Visita dos Reis Magos a Oroso



Troi

Boletín informativo mensual Concello de Oroso



Oroso destina 1,1 millóns a gasto social e a obras para mellorar servizos básicos

O Concello de Oroso aprobou as obras e proxectos incluídos nas partidas do Plan Único 2021 e o POS adicional da Deputación da Coruña, con ampliacións de vias, actuacións de humanización, melloras de eficiencia enerxética, na rede de saneamento e gasto social.

As partidas suporán un investimento de 1,1 millóns de euros. O Plan Único inclúe por primeira vez este ano un fondo social, que permitirá no caso de Oroso destinar unha partida de 142.710 euros a axudas ás familias e colectivos en risco de exclusión, medidas de conciliación, adquisición de material de protección Covid-19, material escolar ou tarefas de desinfección nos centros educativos.

Á marxe deste orzamento social, o concello destinará máis de 800.000 euros nos próximos meses a diferentes obras, como a mellora da rede viaria nos lugares de A Igrexa e Bouzalonga; o asfaltado da pista que vai de Recouso á estrada provincial DP-3802 (Marzoa); a construción dunha ponte sobre o río Carboeiro en Berdomás (Gándara).

Edita e imprime: Concello de Oroso
981 691 478 | 981 690 903



Un carril-bici unirá o centro de Sigüeiro coa nova Vía Verde

As actuacións inclúen o primeiro tramo de carril-bici do concello, que partirá da glorieta da Foca de Sigüeir e chegará ata o río Carboeiro, para prolongarse nunha segunda fase pola rúa Ulloa ata conectar coa estación de Oroso e a Vía Verde, que unirá Santiago con Cerceda.

Oroso tamén humanizará e renovará o tramo este da rúa do Campo, en Sigüeiro; ampliará a calzada do vial que une os núcleos de Requeixo e Eirís (Cardama); acometerá un proxecto de saneamento e abastecemento de auga nos Carballos (Deixebre); e mellorará a eficiencia enerxética na urbanización Porto Avieira. Unha pequena parte das partidas destinarase a gastos correntes do concello.

concellooroso.com
info@concellooroso.com





Avanza o proxecto da Vía Verde coas obras en Oroso

A Deputación da Coruña avanza na creación da Vía Verde de Santiago a Cerceda coa adxudicación das obras nos tramos de Oroso, Ordes e Cerceda-Tordoia. Ditas tarefas contan cun orzamento de preto de 1,5 millóns de euros cofinanciados polo ente provincial e os fondos europeos FEDER.

A primeira vía verde da provincia da Coruña construírse sobre as antigas vías do ferrocarril e terá unha lonxitude de 36,5 quilómetros, conectando os municipios de Santiago e Cerceda. A Deputación acaba de adxudicar as obras dos treitos de Oroso, Ordes e Cerceda-Tordoia por un total de 1.462.903 euros, investimento cofinanciado pola propia institución e os fondos europeos FEDER.

O tramo de Oroso contará cun presuposto de 572.420 euros, o de Ordes cun de 396.811,79 euros e o de Cerceda-Tordoia cun de 523.671,38 euros. As empresas adxudicatarias contarán cun prazo de 10 meses para levar a cabo as tarefas.

O presidente da Deputación, Valentín González Formoso, apuntou que a Vía Verde Santiago-Cerceda "é un proxecto ambicioso e tecnicamente complexo, que comezou a xestarse hai máis dunha década". A Vía Verde permitirá darlle unha segunda vida á rede abandonada, creando "unha alternativa segura para ciclistas e camiñantes, que evitarán circular polas marxes da estrada", indica González Formoso.

Recollida solidaria

Dende o Concello queremos felicitar a Sigüeiro Solidario pola campaña de recollida de alimentos e produtos de primeira necesidade, na que acadaron 1.008 quilogramos. Grazas aos comercios e entidades colaboradoras por prestar o seu espazo e o seu tempo. Grazas á Despensa de Sonia, Café Restaurante Mirás, Peixería Insua, Sigüeiro Hostel, Zoclos, Carnicería Leopaldo, Bar Tapas, CrossPadel Sigüeiro, Supermercados Coviran, Agrícola Rayma, Petiscos Doces, Kiosco Ruliña e Anbore Coffee-Bar.



O concello instala unha carpa para o mercado dos sábados e estuda outra feira os venres

O Concello de Oroso instalou hai uns días unha carpa na Alameda de Góis, co obxectivo de que todos os compradores e vendedores que acuden ao mercadillo dos sábados pola mañá estén a cuberto.

A infraestrutura manterase como mínimo ata a primavera e o concello estuda a posibilidade de celebrar na carpa outro mercado, neste caso os venres, que sexa unha referencia na comarca. O grupo de goberno de Oroso xa mantivo reunións con diferentes colectivos para falar desta feira dos venres, que ademais serviría para darlle un impulso á hostalaría local unha vez que reabra.



O mercadillo dos sábados seguirá igual, dándolle prioridade aos produtos locais e de horta, e o concello considera que a feira dos venres serviría para reactivar a economía local.

Oferta Gastronómica con servizo para levar No Concello de Oroso

CAFETERÍA CHE

De luns a domingo
6:00 a 21:30
981691995

LAR BLANCO

De domingo a venres
11:00 a 15:00
981688922

RESTAURANTE O CORTÉS

Lun-mar-mér 8:30 a 16:00
Xov-ven-sáb 8:30 a 21:30
Domingo 10:00 a 16:00
981691762

RESTAURANTE MIRÁS

Todos os días 11:30 a 16:00
Venres e sábado tamén de
19:30 a 21:30
685445921

PARRILLADA SEOANE

Luns a domingo
De 6:00 a 18:00
981699222

BAR TAPAS

De luns a sábado
9:30 a 17:00
676464344

MESÓN TAMBRE

De luns a xoves de 9:00 a 16:00
Venres 9:00 a 16:00 e 19:00 a 21:30
Sáb de 10:00 a 16:00 e 19:00 a 21:30
Domingo de 10:00 a 16:00
637952697
616703636

BAR FERNÁNDEZ

Bebidas e cafés
De luns a venres 7:00 a 11:00
981691806

PIZZERÍA HASSAN

Todos os días de 18:30 a 21:30
Sábados e domingos tamén de
13:00 a 15:00
635127311



CORONAVIRUS COVID 19

SI ERES UNHA PERSOA MAIOR, ESTÁS SÓ/SOA,
ENFERMO/A, OU ERES POSITIVA EN CORONAVIRUS

E PRECISAS AXUDA CHAMA A
SERVIZOS SOCIAIS 981 688 950
PROTECCIÓN CIVIL 698 169 443
ALCALDÍA 638 050 451

O CONCELLO DE OROSO CONTA
CUN EQUIPO DE
PROFESIONAIS PARA AXUDARTE

GRAZAS POLA VOSA COLABORACIÓN!

Concurso de escaparates de Nadal

O alcalde de Oroso, Manuel Mirás Franqueira, e a concelleira de Comercio, Vanesa Boo, entregaron o mes pasado os diplomas correspondentes ao concurso de escaparates de Nadal.

Como xa informamos anteriormente, o xurado decidiu que nesta ocasión os premios do concurso de escaparates foran os seguintes:

- 1º Premio: Zoclos
- 2º Premio: Petiscos Doces
- 3º Premio: As esencias

Eva Carreira, de Zoclos, quixo “combinar no escaparate a tradición do Nadal e do autóctono, por iso aproveitei incluso restos de poda para a árbore”. “Temos que reivindicar o noso, estar orgullosos do local”, engade Carreira, que agradece “a boa acollida que tivo”. Zoclos renova durante todo o ano os seus escaparates, como fai agora polo entroido.

Pola súa parte, Ana López, de Petiscos, comentou que “levo catro anos participando no concurso de escaparates, sempre con premios”. “Quixen combinar o tradicional, co belén, e a modernidade; o escaparate gustou e axuda, a xente fíxase e entra”. Petiscos é outro establecemento que cambia os escaparates durante todo o ano, agora con San Valentín.

Berta Rocha, de As Esencias, tamén mesturou no escaparate “a ilusión no Nadal co Covid e algo infantil, como o tío vivo”. “Son iniciativas moi necesarias, hai que facer que a xente entre no establecemento”, afirma.

Manuel Mirás e Vanesa Boo agradeceron o traballo de todos os establecementos participantes, nun concurso que cada ano impulsa as compras no comercio local durante o Nadal

Ademais, o escaparate que máis 'Me gusta' obtivo na publicación de Facebook foi o de Petiscos Doces, polo que foi agasallado cunha cea nun restaurante do concello por un importe de 50 euros, o mesmo premio que no sorteo para os particulares participantes na votación en Facebook.



Concurso de disfraces nas redes sociais para manter viva a tradición do Entroido

A Concellaría de Cultura do Concello de Oroso organiza este ano un concurso de disfraces nas redes sociais co obxectivo de manter viva a tradición do entroido no municipio. Podedes participar ata o 12 de febreiro.

Para persoas maiores de 18 anos empadroadas en Oroso. Tamén poderán ser parte da composición menores convivintes ata un máximo de 10 persoas. As persoas menores de idade ou que non teñan plena capacidade de obrar que desexen participar deberán facelo sempre coa preceptiva autorización do titular da patria potestade ou tutela.

No momento de compartir a fotografía coa que se participa nas redes sociais debes etiquetar ao Concello de Oroso e mencionar co hastag #enTROldoOroso. 15 premios por importe de 100€ para gastar no comercio e hostalería local.



A Asociación Diver-Cidade volve colaborar na dinamización das rúas de Sigüeiro, como xa fixera no Nadal, nesta ocasión cun photocall de Entroido! Grazas de novo pola vosa colaboración!

Obras para renovar a rede viaria en Oroso de Abaixo (A Gándara) e A Igrexa (Deixebre)

O Concello de Oroso informa á veciñanza do comezo das obras para renovar a rede viaria nos lugares de Oroso de Abaixo (A Gándara) e A Igrexa (Deixebre). Os traballos, cun orzamento de 118.420 euros, terán unha duración aproximada de tres meses e servirán para pavimentar o firme, mellorando a seguridade en vías e camiños moi transitados polos veciños de ambas parroquias.

“As obras forman parte do plan integral de renovación e mantemento dos servizos e infraestruturas municipais, posto en marcha polo Concello de Oroso no casco urbano e nas parroquias, e damos desta forma resposta ás demandas veciñais”, explica Luis Rey, concelleiro de Obras.

Hai un mes, o concello anunciou o remate de diferentes actuacións de renovación de viais e camiños nos núcleos de Rial (Trasmonte); Vilacide (Oroso); Cabanas (Os Ánxeles) e O Seixo (San Román de Pasarelos). “A mobilidade nos camiños do rural é moi elevada, por iso desde o Concello de Oroso melloramos de forma continua a rede viaria, facilitando as comunicacións e reducindo o risco de accidentes”, engade o alcalde, Manuel Mirás.



Seguridade viaria na Foca

O Concello de Oroso instalou unha nova valla de seguridade na glorieta da Foca, en Sigüeiro. Desta forma, mellora a seguridade viaria tanto dos vehículos como dos peóns.

Esta actuación forma parte do plan integral de mellora e mantemento dos servizos e infraestruturas do Concello de Oroso, tanto no casco urbano como nas parroquias.



O salón de plenos do concello foi o escenario da presentación do libro ‘Chegadas, Saídas. O antigo camiño de ferro Santiago de Compostela – A Coruña’, do historiador local Manuel Pazos. O traballo, editado por Obradoiro de Historia e patrocinado polo Concello de Oroso, repasa a historia da antiga liña de ferrocarril de 75 quilómetros.

Unha liña pola que transcurrirá a primeira Vía Verde da provincia, un proxecto polo que pel-exou o alcalde, Manuel Mirás, desde o ano 2005 e agora por fin xa é unha realidade. “Estou moi satisfeito como alcalde de apoiar este libro, que recolle a memoria dunha liña de ferrocarril, pero tamén a memoria dunha sociedade e dunha época”, explicou Mirás. “Foi unha pena perder a liña de ferrocarril da que fala este libro, xa que a conservación da súa estrutura era compatible coa posta en marcha da Vía Verde”, engadiu o alcalde de Oroso.



Un libro repasa a historia da antiga liña de ferrocarril

Pola súa parte, o autor do libro, Manuel Pazos, destacou “a importancia que tiña o ferrocarril no tecido social e a súa vinculación con circunstancias tan galegas como a emigración, xa que moitos emigrantes marchaban no tren”. “Tiven a idea de facer o libro hai uns dous anos; quixen combinar os datos sobre a liña de ferrocarril con un amplo arquivo fotográfico, ademais de textos e poemas de escritores e escritoras da zona, xa que o tren era tamén unha referencia para eles”, afirma Pazos. O libro ten un elevado valor histórico e documental. De feito, o autor xa recibiu numerosas peticións de asociacións de amigos do ferrocarril de toda España.